

公開組

冠軍

【醉花陰·春遊周莊】陳創樂

又綠江南寒未了△岸柳桃花俏△水巷繞周  
莊。櫓影吳歌。院過扁舟小△一堂舊  
事茶香好△古鎮雙橋老△樸拙自悠然。燈  
火洋場。怎比湖光淼△

亞軍

【醉花陰】杜秉國

欲隔啼鵑垂翠幕△無奈添殘角△低語寄風  
姨。莫使征帆。誤向秦淮泊△江潭樹  
老傷搖落△篆冷疏弦索△幽恨轉前生。纖  
指癡環。悔與韋郎託△

季軍

【醉花陰·題辛棄疾詞集】郭維華

隔代猶聞鵑泣血△心共山河裂△年少萬兜  
鍪。策馬詞雄。詠盡沙場月△停雲詩  
就征塵歇△歎醉湖歌徹△殘夢返中原。吹  
角連營。泚筆燕然雪△

## 優異獎

(排名按姓氏筆畫序)

### 【醉花陰·重聚】方富永

歸雁一聲重聚首△  
樹酌花前酒△  
歡會不勝情△  
漫憶當年△  
朗月還依舊△  
鄉心長繫絲絲柳△  
恨未栖遲久△  
扶手挽斜陽△  
目盡青山△  
景色誰能袖△

### 【醉花陰·菊】江文森

形影翩翩塵俗掃△  
一任西風老△  
逸韻自凝妝△  
月落籬邊△  
夜夜酬詩草△  
百般鬥色天工巧△  
結伴寒霜曉△  
三徑未荒蕪△  
醉倒淵明△  
不覺乾坤小△

### 【醉花陰】李國明

三月天南纔過雨△  
海上來煙霧△  
景物轉冥濛△  
獨自銷凝△  
一片春光暮△  
落紅化作塵和土△  
誰惜花心苦△  
欲問舊盟鷗△  
祇有黃鸝△  
幾個隨風舞△

### 【醉花陰·初聞夫婿獲准赴外國定居】

#### 岑植秋

月倦燈殘人未睡△  
默憐西廂意△  
欣慶復添憂△  
一紙行程△  
恐引千行淚△  
春泥不護花憔悴△  
志薄情根脆△  
移枕探郎心△  
西去孤鸞△  
可為歐風醉△

### 【醉花陰·暮春書懷】葉蘭英

野霧濃烟迷碧樹△  
燕子穿簾去△  
簷角綰游絲△  
綴網黏花△  
也解留春住△  
隋隄處處飛輕絮△  
一任風和雨△  
聚散似浮萍△  
春夢無痕△  
空寫相思句△

## 公開組

### 特別獎

(排名按姓氏筆畫序)

#### 【醉花陰】李漢良

隔岸沙痕添一碧△ 細雨橫秋色△ 慢槩趁潮  
來。試任飄蓬。千里將安適△ 開懷獨  
酌浮三白△ 作箇逍遙客△ 難得老來閑。縱  
有波濤。都做輕輕拍△

#### 【醉花陰·嶺表詩人資料綜合檢索編成自賦】 黃文彬

嶺海叢殘尋舊緒△ 留得詞魂聚△ 辛苦有顯  
園。題句三千。字字燃犀炬△ 祇今文  
苑三春去△ 誰惜絲絲縷△ 檢索我編遲。踵  
事望塵。隔世希風舉△

#### 【醉花陰·春暮】蔡耀

黯黯樓臺風雨後△ 倚檻休攜酒△ 醺了也徒  
然。一枕春愁。好夢何曾有△ 蝶忙鶯  
老烟籠柳△ 花事闌珊候△ 腸斷惜飛紅。暮  
捲珠簾。淚濕香羅袖△

## 學生組

### 冠軍

【醉花陰·大學迎新營】

李卓偉 香港中文大學

笑語回廊眠又醒△閒步尋幽徑△燈火轉闌珊△  
樹斂微風△夜與人俱靜△低頭危立山樓頂△  
擬盡瞻清景△舉目頓迷離△雲沒金波△  
那辨光和影△

### 亞軍

【醉花陰·沙田車禍】

黃令時 浸信會呂明才中學

燈號無分紅與綠△車比歸心速△路口忽砰訶△  
輻脫飛人△聲撼紅梅谷△可憐橋下聞嚶哭△  
鐵甲攣拳肉△救護雜聲哀△  
夜風柔△如奏安魂曲△

### 季軍

【醉花陰·重九掃墓悼亡】

陳奕生 觀塘官立中學

何去何從何所覓△無計尋蹤跡△百歲幾多時△  
悽雁彤雲△正是傷心夕△年年別去長追憶△  
空有人如昔△蘭菊到尊前△立盡斜陽△  
淚在心中滴△

## 學生組

優異獎

(排名按姓氏筆畫序)

【醉花陰·暮春畢業贈友】

文天若 拔萃女書院

霧鎖天涯芳草路。酒綠江南浦。三疊笛聲殘。杜宇頻啼。落日銷煙樹。春城花影來相顧。待客攜尊俎。亂絮付雲箋。折柳為詩。好送東君去。

【醉花陰】

江志豪 香港中文大學

萬里雲飛川水瀉。不捨朝將夜。落日滿乾坤。滄海扁舟。何苦思爭霸。隨風垂釣真無價。更夕陽如畫。一笑醉南山。竹杖芒鞋。尋興東籬下。

【醉花陰】

朱敏翎 香港中文大學

寂寂閑湖空自碧。杳杳無人迹。爾泛小舟來。斜照紅霞。隱隱湖心積。舟飄遠去猶過客。數夕終分隔。曾泛起漣漪。縱已無痕。湖卻非如昔。

【醉花陰·夏住靈渡山居偶題】

梁偉民 嶺南大學

幽意無窮迷嶺樹。誤入山深處。日暮帶香歸。摘得山花。試問誰能予。夜來閑啟清涼戶。好聽蟲纖語。望月引詩魂。挹滿清輝。夢入桃源路。

【醉花陰】

蕭偉東 香港中文大學

大霧飄飄山遁去。鳥唱花香路。細雨夾斜風。不着紅塵。自有逍遙處。春光似夢難留取。一去難重聚。入夜霧雲開。月色生輝。依舊無人語。



## 特別獎

(排名按姓氏筆畫序)

### 【醉花陰·秋懷】

朱妙玲 珠海書院

日暮寒蟬聲漸遠△極目無秋雁△分別自初  
春。隔絕天涯。怎得愁消散△閨中獨  
對鴛鴦琬△每惹愁腸斷△今夜夢難成。弦  
月高升。代送相思簡△

### 【醉花陰·憶人】

徐瑋 瑪利曼中學

夜永樓空聽細雨△點滴無從數△瀉落一簾  
春。獨坐西窗。望盡天涯路△韶光總  
被多情誤△錯把相思付△不斷是愁腸。醉  
臥高牀。夢遠香如故△

### 【醉花陰】

杜若鴻 香港大學

極目楚天凝淚眼△憔悴長縈絆△漸曉露侵  
階。冷鎖孤幃。欲夢還驚斷△萬般追  
憶成幽怨△黯黯離魂亂△縱入骨相思。憑  
寄香箋。爭似長相見△

### 【醉花陰】

劉曉瑩 瑪利曼中學

蝶舞闌珊春絮亂△日暮殘紅倦△依岸柳絲  
長。寸寸幽懷。誤入誰家苑△多情自  
歎情難剪△夢裏佳期遠△瘦影傍窗頭。淚  
轉天涯。最是花容損△